

# *EUPŠA GO TLOGA MATHOMONG*

## *GO BE GO SE BJALO*

 Mantšiboa a mabotse, bagwera. Ke thabile kudu go ba morago bošegong bjo ka tirelong ya Morena Modimo. Le go tshepeng ditšhegofatšo tša Gagwe godimo ga ditirelo bošegong bjo.

<sup>2</sup> Ke be ke thabetše go bona, bošegong bjo, Ngwanešu Robert Daugherty morago ka kamoreng kua. Ke . . . E be e le Ngwanešu Daugherty yo a thekgilego lesolo la ka la mathomo. Gomme ke elelwa ke eya go yena. Go sa ne batho ba bangwe ba dutše fa bao ba nthušitsego go fihla godimo fale. Gomme Ngwanešu Creech fa, ke a nagana, ke yo mongwe wa bona. Dipono di be di sa tšwa go thoma go direga, gomme Morongwa wa Morena o be a sa tšwa go kopana le nna godimo mo ka Green's Mill, o mpoditše se se bego se tla direga. Gomme e be e se dibeke tše pedi go fihla a mpileditše go tla godimo ka St. Louis. Mosetsana wa gagwe o be a ne mohuta tsoko wa . . . boka motantsho wa Mokgethwa Vitus.

<sup>3</sup> Gomme re be re ile kua le go rapela, le go dira mehuta yohle ya dikeno, gomme go be go lebega o ka re ga go selo se bego se tla no direga. Ke be ke no ya go dula (Gobane, ga se ke be le masolo pele ga fao.) feela go fihla go fedile, go fihla ke hweditše se Morena a bego a tla se dira.

<sup>4</sup> Le a tseba, Ngwanešu Robert, ke a dumela go be go le kaone ge nkabe ke be ke no e boloka ka tsela yeo. Nnete, ka kgonagalo go be go ka se be bontši bo phološitšwe. Eupša, go no dula le taba e tee go fihla go fedile, go fihla o tseba.

<sup>5</sup> Gomme letšatši la go latela, ke a thanka, e be e le go bapa iri ya bobedi goba ya boraro morago ga sekglela, goba letšatši la go swana, ga ke elelwe bjale. Gomme ke be ke dutše ka koloing, ka ntle ga ngwako wa kereke. Gomme tatagwe o be a le fao. Gomme ke be ke le noši. Ke ikwetše Moya wa Morena o etla, gomme ke ile ka ntle ga ngwako wa kereke le go dula ntle fale. Gomme Betty yo monnyane o be a no ba boka motho wa lebelete, a no goelela. Gomme dingaka ga se di kgone go mo direla selo. Gomme mme le papa, bobedi, ba be ba lebega gampe kudu. Ba be ba dutše godimo, matšatši le dibeke, le yena. Gomme fao pono ya tla, feela pele ga koloi, ka pele ga koloi. Gomme ke bone pono, le go kitimela ka gare le go botša Ngwanešu Robert le bona feela se ba ka se dirago. Mosetsana o tla ba gabotse.

<sup>6</sup> Ke a nagana o rile o tla ba mo gosasa bošego, a ga se wa, Ngwanešu Robert, go paka? Kafao bjale ge . . . Yeo e bile mengwaga ye lesomenne ya go feta, ke a thanka,

lesomepedi, mengwaga ye lesomenne ya go feta. [Ngwanešu Robert Daugherty o re, "Ke lesometharo, ke a dumela."—Mor.] Mengwaga ye lesometharo ya go feta. Gomme ke wa go phelega, mosadi yo moswa wa go lebega bokaone. O tla ba mo gosasa bošego, Morena ge a rata.

<sup>7</sup> Phodišo Kgethwa e phela feela ge feela tumelo e fihlela, yeo ke nmete, feela ge tumelo e fihlela.

<sup>8</sup> Gomme ke a dumela ke bona Ngwanešu Fred Sothmann, le bagwera ba ka go tšwa Canada ba dutše morago ka fa, le bona. Ke thabile go le bona bohole ka gare bošegong bjo. Le bagwera ba bangwe ba bantsi mo. Ke duma ge nkabe ke na le nako go lemoga yo mongwe le yo mongwe wa lena. Ke a thanka nka se kgone, go tšwa thwi fa, eupša ke nyaka le tsebe gore ka kgonthe re a le amogela. Ngwanešu Boyd fa, ke a dumela ke a mo gopola. Le ngwanešu wa Mennonite. Kafao re be re thabile go ba le lena fa go nako ye nnyane ye ya kopanelo go dikologa Lentšu. Gomme bjale, gosasa . . .

<sup>9</sup> Re nyaka go bega se, le rena, gore, dipuku tša moragorago. Bjale ga re mo . . .

<sup>10</sup> Ga ke kgone go nagana ka ngwanešu yo a dutšego, ngwanešu wa Mennonite kgaušwi le yena. Nka se kgone . . . [Ngwanešu o re, "Harson."—Mor.] Harson. Ya.

<sup>11</sup> Di-di dipuku di ka morago, mo tafoleng morago kua. Ke melaetša ya moragorago. Ga se nke tša ke tša ba ka go masolo gabjale. Ba morago kua le ditheipi, melaetša ya moragorago le go ya pele. Gomme bašemane ba bile le tšona di ngwadilwe, gomme di gona ka morago ga moago ge le eya ntle bošegong bjo. Gomme ke nagana . . .

<sup>12</sup> Mo mosong, ke nagana dipotšišonyakišišo di thoma e ka ba seswai goba seripagare sa seswai, mo mosong. Gomme, nna! Ke mmoditše go dira dipotšišonyakišišo bakeng sa bale ba nyakilego go mpona sephiring ka ditaba tša semoya. Nna, ga se ka lemoga gore tabarenekele ye nnyane mo e tla . . . e tla ba ka tsela yeo. Eupša ka kgonthe e pitlagane fase. Nna! Kafao, gabotse, go lokile. Morena dinako tše dingwe o hwetša ditšhegofatšo go tšwa go seo re lekago go se dira, go dira se sengwe go thuša banešu le dikgaetšedi mo tseleng.

<sup>13</sup> Bjale re a leka, bošego bjo bongwe le bjo bongwe, go hwetša se sengwe seo ke se nyakago. Gomme seo ke, gore, Modimo ka pono o mpoditše gore bodiredi bja ka bo dira phetogo ya bjona ya boraro. Gomme ke e hlohogetše go thoma mo ka tabarenekeleng. Ga ke tsebe ge eba e tla dira goba aowa, eupša ke hlohogetše go dira seo. Gomme ke a tshepa gore go tla ba ka tsela ye nngwe ye e tla . . . Ke tla kgona go rera Ebangedi ka tsela ye bjalo, goba go dira se sengwe seo se tla thušago batho ba ba tlaišegago go ya tseleng ye e thabilego kudu ya bophelo, le tsela ye e phelegilego

kudu ya bophelo. Ke tlhologelo ya ka ya tlhokofalo. Kafao go ka no ba bosegong bjo gore . . .

<sup>14</sup> Ke botšišitše ngwetši wa ka ka ga dikarata tša thapelo, gomme ga a ne e ka ba eng godimo fale. Gomme Billy ka mehla o a di boloka. Gomme Gene le Leo ga ba na le ye e itšego. Kafao re tla no swanelo go šomiša ditirelo ntle le tše, ke a eleletša, bokaonekaone re ka kgonago, ge re dira bosegong bjo. Re tla bona ka fao e tlaglo ntle.

<sup>15</sup> Gona ka morago ga dikopano tše, dikopano tša ka tša go latela ke go ba ka New Zealand, gomme morago gape ka Australia, le go theoga go kgabola dikarolo tše, tša naga.

<sup>16</sup> Bosegong bjo, ke kgethile go bala Mangwalo a mangwe go tšwa go Puku ya Mokgethwa Mareka, tema ya 7, ge le rata go phetla go yona, bakeng sa go naganiša bakeng sa Molaetša.

<sup>17</sup> Gomme pele re dira seo, a re nong go inamiša dihlogo tša ren a nakwana feela le go bolela le Yena.

<sup>18</sup> Morena, re Go thabetše kudu, bosegong bjo, bakeng sa monyetla wa go kopana mmogo, gatee gape. Wena o bile go loka kudu go ren a go kgabola letšatši le. O re file bophelo le maatla gore re bile le monyetla go tla gape go tirelo ya Gago le go rapela Wena.

<sup>19</sup> Gomme re leboga naga ya ren a, gore go sa ne monyetla le mojako wa go bulega, gore banna le basadi ba kgone go rapela Modimo go ya ka ditaelo tša letsvalo la bona beng. Botelele a nke e be, Morena. Eupša re a bona, go ya ka seprofeto sa Beibele, gore ka pejana mabati a a tla tswalela, lefase ka bophara. Kafao a re, bosegong bjo, amogele bobotse bja Modimo le ditšhegofatšo, le sohle Seetsa se re ka kgonago, godimo ga Mangwalo, Morena, gore re lokele iri yeo ge e etla, woo o bolokilwego ka disoulong tša ren a tla ba Moya wo Mokgethwa, Yo a tla kgonago go kopanya dilo tše go menagano ya ren a.

<sup>20</sup> Re tla kgopelela gagolo, bosegong bjo, le ren a, Morena, go bao ba babjago, ba hlokago, le go tlaišwa. Maatla a Gago a magolo a phodišo le kgaogelo di tla khutša godimo ga yo mongwe le yo mongwe wa bona. Segofatša Lentšu la Gago le yago pele, Morena, gomme re tla Go tumiša. Leineng la Jesu, re a e kgopela. Amene.

<sup>21</sup> Ka go Mokgethwa Mareka, tema ya 7, re bala ditemana di se kae boka tše.

*Gomme gwa tla mmogo go yena Ba farasei, le ba rilego ba bamangwalo, bao ba tšwago Jerusalema.*

*Gomme ge ba bone ba bangwe ba barutiwa ba gagwe ba eja borotho ka diatla tše di tšhilafetšego, ke go ra go re, ka diatla tša go se hlapišwe, ba hwetsa phošo.*

*Ka gore Bafarisei, le Bajuda bohle, ntle le ge ba hlapišitše diatla tša bona gantsi, ga ba je—ga ba je, ba swere motlwae wa bona wa bagolo.*

*Gomme ge ba tlide pele go tšwa mmarakeng, ntle ga ge ba hlapile, ga ba je. Le dilo tše dingwe tše ntši di lego gona, tšebo ba di amogetšego le go di swara, bjalo ka... go hlatswa ga dikomiki, le dipitša, le ditheo le dibjana, le ditaftola.*

*Nako yeo Bafarisei le bamangwalo ba mmotšiša, Gobaneng barutiwa ba gago ba sa sepele go ya ka metlwae ya bagolo, eupša ba ja borotho ka diatla tša go se hlapišwe?*

*O arabile gomme o rile go bona, Jesaya o profetile gabotse ka ga lena baikaketši, bjalo ka ge go ngwadilwe, Batho ba ba ntlhompha ka dipounama tša bona, eupša dipelo tša bona di kgole go tloga go nna.*

*Golebjalo ke ka lefeela ge ba nthapela, ba ruta bakeng sa thuto ditaftola tša batho.*

*Go beeleng thoko ditaftola tša Modimo, le swere motlwae wa batho, bjalo ka go hlatswa ga dipitša le ga dikomiki: le tše dingwe tše ntši bjalo ka dilo tše le di dirago.*

*Gomme a re go bona, Botlalo...le gana ditaftola tša Modimo, gore le boloke metlwae ya lena beng.*

<sup>22</sup> Gomme ka go Puku ya Mokgethwa Mateo, tema ya 19 le temana ya 8, le legato la mafelelo la temana ya 8, ke rata go bala bakeng sa sehlogo. Gomme wo ke mokgwa wo e balegago:

*...eupša go tloga mathomong go be go se bjalo.*

Gomme Morena a šegofatše palo bjale ya Mantšu a Gagwe.

<sup>23</sup> Ge Morena wa rena a be a le mo lefaseng, O kopane le, ka matšatšing a bodiredi bja Gagwe, batho ba ba swerego motlwae wa bona wa batho, le go ruta dilo tše di bego di le kgahlanong le ditaftola tša Modimo.

<sup>24</sup> Ke a makala, bošegong bjo, ge A ka tla gape bošegong bjo, ka go bonagala, ge A ka se hwetše feela e ka ba seemo sa go swana. Ka fao ba swerego metlwae yela bokgethwa kudu, ka morago ga ge ba amogetše ditaftola tša Morena, feela se ba ka se dirago! Banna ba ka se kgone go kgotsofatšwa ka se Modimo a rego ba se dire; ba swanetše go itira bonabeng nthathana gannyane ka yona.

<sup>25</sup> Gomme ge motho a swara e ka ba eng, o aroša tabakgolo. Gomme go dira e ka ba eng e fapošitšwego e fapano le ya setlogo.

<sup>26</sup> Boka, goseloke, goseloke ga se selo go feta toko e fapošitšwe, se monagano wa go fapoga wa motho o fetogago go dikologa.

<sup>27</sup> Modimo o dirile motho go phela a thabile le ba bangwe. Phapošo e a ba fetola le go ba dira manaba bona seng. Motho o re dira manaba go rena seng, mola Modimo a re dirile banešu seng.

<sup>28</sup> Motho o dirile batho go hloka maitshwaro. Modimo o dirile motho go phela therešo go mosadimogatša wa gagwe. Eupša monna o tla mmogo gomme a fapoša yeo go dikologa, gomme ga a kgotsofale ka mosadimogatša wa gagwe mong, eupša ba nyaka go phela le basadibagatša bohle.

<sup>29</sup> Modimo o re file a mabotse, a go hlweka meetse go nwa. Motho o swanetše go hlakanya bjala goba se sengwe gape, le wona, pele a a nwa. Ke go fapoša, go tloga mathomong a kgonthe a yona.

<sup>30</sup> Gomme go direng bjalo, re hwetša gore ka kerekeng, dilo tše di diregile, gobane, motho o thoma go šunya nko ka go dilo tša Modimo, gomme o goga kelello ya gagwe ya se Le se rago. Ga A Le tsee feela ka tsela ye Le ngwadilwego, eupša o bea kgopolo ya gagwe mong e tswakilwe ka go Lona. Gomme ka gona, ka seo, o dira setšo, gomme o ruta seo. Gomme Jesu o rile, ge A be a le lefaseng gomme o hweditše se sebjalo, O rile, “Le Nthapela ka lefeela.” Bjale fao go na le, gona, kgonagalo, gomme go bjalo, gore fao go kgone go ba borapedi bja mmapale bja Modimo, go fošagalga. “Ba Nthapela ka lefeela, ba ruta Thuto ditaelo tša batho.”

<sup>31</sup> Bjale ka go baleng ga Lengwalo la rena bošegong bjo, ge le ka bala go ya pele, le tla hwetša gore moo Modimo a rilego, “Hlompha tatago le mmago; gomme ge motho a nyatša tatagwe goba mmagwe, a a hwe lehu.” Eupša O rile, “Ka go ditšo tša lena, le dirile ditaelo tša Modimo tša go hloka maatla, gomme o rile, ‘Ge go le, ge motho a nyatša tatagwe goba mmagwe, gore ke mpho, gomme o tla no lokologa.’”

<sup>32</sup> Le bona ka fao batho ba dirago dilo go phetlega? Eupša ba rata go rapela, gomme ba nagana gore ba rapela gabotse, mola ba rapela phošo. Gomme ke na le mnene, ka morago ga go se be gona ga Kriste, lebaka la mengwaga ye dikete tše pedi, se sengwe se fošagetše felotsoko, gobane re ne dikgopolo tše dintši kudu.

<sup>33</sup> Gomme, bošegong bjo, go nyakile go ba dikerekemaina tša go fapania tše makgolo senyane tša dikerekemaina tše Bokriste, dikgopolo tša go fapania. Gomme ye nngwe le ye nngwe e swere motlwae wa bona. Oo, ka fao ba ratago go bolela gore, “Motlwae wa ka o lokile.” Gomme ka gona ge... Kereke e tee e tla e hlatholla ka tsela ye bjalo, le go re, gabotse, go e dira feela gabotse go phethagala, gore kereke yeo e lokile. Gomme re kgabotše seo ka mašegong a se makae a go feta mo, a gabaneng re se kerekeleina. Gomme ge kerekeleina e thomega, e thomile godimo ga motheo wa yo mongwe o hwetša kutollo ya se sengwe, ye e ka bago go felela e lokile, eupša o dira

kerekeleina go tšwa go yona gomme ka gona a ka se kgone go ya bokgojana e ka ba bofe.

<sup>34</sup> Eupša Modimo o re nyaka re dule re lokologile. O re nyaka go lefelo moo ge A re fa Seetša tsoko, re ka kgona go amogela Seo, le go hwetša Seetša tsoko gape, le Seetša tsoko gape, le go no tšwelapele go ya. Ke ka baka leo re ratago go dula re lokologile, gore re kgone go no rera Beibele, ka tsela ye E ngwadilwego, le go E dumela feela ka tsela yeo.

<sup>35</sup> Gomme, lehono, re ile ka go metlwae. Bjale, ka go sehlogo sa rena re a hwetša, bošegong bjo, gore ba rile, “A go molaong go rena go raka mosadimogatša wa rena bakeng sa taba e ka ba efe?” Gabotse, go nyakile go ba ka tsela yeo lehono. Ge ba no se nyake go phela le mosadimogatša wa bona, goba monnamogatš, ba no hwetša lebaka tsoko gomme ba mo raka. Moreri yo mongwe o tla mmogo, goba magistrata, o ba nyadiša go yo mongwe. Le a bona, ke setšo.

“Gabotse,” ba re, “kereke ya rena e e dumela ka tsela ye.”

<sup>36</sup> Gabotse, ga go dire phapano ye ntši kudu go se kereke ya rena e se bolelago. Ke se Beibele e se bolelago ka yona, seo se dirago phapano. Modimo o swanetše go ba Lentšu la mafelelo ka go sephetho se sengwe le se sengwe re se dirago.

<sup>37</sup> Matšatši a se makae a go feta, ke ile ka sekišwa ka kgorongtsheko, goba ke be ke eya go ba. Gomme ba be ba mpha dipotšišo tše rilego tše thata. Gomme ba rile, “Gobaneng o fetišitše tšhelete ya masolo ka kereke ya lena, bjalo ka motheo?”

<sup>38</sup> “Gabotse,” ke rile, “e be e le ka gobane ke boditšwe ke mokgobokanyi wa Letseno la Selegae gore ke swanetše go e dira ka tsela yeo, gobane e be e le motheo.” Gomme e tšwetšepele e eya pele. Gomme o rile, “Monna yo ga se a go botša therešo.”

<sup>39</sup> Ke rile, “Gabotse, o be a emela mmušo. Ge nka romela molaodi wa lesolo ka toropongkgolo go nkemela, lebaka la mašego a mahlano kua ka lesolong, gomme o nkemetše mašego a seswai, ke tlemeba mašego a seswai, gobane moemedi o boletše mašego a seswai. Gomme mmušo o swanetše go gomarela go se baemedi ba bona ba se bolelago.”

<sup>40</sup> Ka gona o rile, “Gabotse, mo...monna yola ga a sa na le mmušo gape.”

<sup>41</sup> Ke rile, “Gomme letšatši le lengwe o ka se sa ba le mmušo gape. Gomme bao ba ngwadilego molaatheo ga ba sa na le bona gape. Ke a makala ge eba seo se sa swara.” Le a bona, ba leka go hwetša hlare sa ntšhirela, eupša go na le gore ba no botega le go kgomagana le kokwane.

<sup>42</sup> Yeo ke tsela ye batho ba bago lehono ka go mesepelo yohle ya bophelo. Yeo ke tsela ye dikereke di hwetšago; kereke ye, dikereke tše dingwe. Sebakeng sa go tšwela ntle le go lebana le dintlhla tša se Modimo a se boletšego, re leka go hwetša hlare sa

ntšhirela go itokafatša renabeng. Gomme ga go thabiše Modimo. Gomme yo mongwe o thomile seo, gomme re makala feela se e lego therešo nako yeo.

<sup>43</sup> Ke botšišitše tlhohlo, matšatši a se makae a go feta, go monna yo a bego a eme le go bušeletša Thutotumelo ya Baapostola, ka fao e bitšwago. “Ke dumela go Modimo Ramaatlakamoka, Modimo Tate, le Mohlodi wa magodimo le lefase,” le go ya pele, “gomme ke dumela go selalelo sa bakgethwa.”

<sup>44</sup> Bjale, motho ga a kgone ka toka, go tšwa pelong ya gagwe, go bolela thutotumelo yeo le go loka le Modimo, le go tseba Beibele. Se sengwe le se sengwe seo se boledišanago le bakgethwa ke sememoya, se sengwe le se sengwe seo se boledišanago le bahu.

<sup>45</sup> Gomme monna yo o retologetše morago gomme o rile, “Gabotse, le boledišana ka eng?”

Ke rile, “Jesu Kriste.”

O rile, “Gabotse, O hwile.”

<sup>46</sup> “Eupša,” ke rile, “O tsogile gape. Gomme ga se A hwa, eupša O a phela. Eupša Maria, le bohle baapostola ba bangwe, le batho bohle bao le tleleimilego go boledišana ka bona, ba hwile le go ya pele. Gomme Beibele e re, ‘Ga go mmoelanyi magareng ga Modimo le motho, eupša Motho Kriste Jesu.’ Ka fao, ka setšo sa motho, le dirile ditaelo tša Modimo go hloka maatla.”

<sup>47</sup> Gomme re leka go thabiše Modimo ka go aga kereke ye kgolo, ka go kgobelā ditulo, le ka go e dira ye botse. Seo se lokile. Ga go na thulano go seo, eupša seo ga e no ba se Modimo a rilego dirang.

<sup>48</sup> Re leka go dira kereke ya rena go itlhaola gannyane go tšwa kerekeng ye nngwe, ka go hwetša modiša yo mokaonekaone wa go rutega yo re ka kgonago go mo hwetša ka phulupithing ya rena, yo a ka kgonago go bolela mantšu a gagwe bjalo ka polelo ya go ela. Seo se lokile, eupša seo go le bjalo ga se se Modimo a se boletšego. Gomme ka go dikereke tše dintšintši, ge... Dikereke tša rena lehono, ge motho a se ne boitemogelo bja seminar, phuthego ka mokgwa wo mongwe e ka se mo tliše ka gare. O swanetše go ba le thuto ya seminar. Eupša seo ga se se Beibele e se boletšego. Seo ga se se Jesu a se dirilego.

<sup>49</sup> Jesu o tšere banna bao ebile ba bego ba sa tsebe boABC ba bona, gomme a ba tlotša ka Moya wo Mokgethwa. Senyakwa sa Modimo e be e se go amogela thuto, eupša go amogela Moya wo Mokgethwa. Ga go motho a swanetšego go rera Ebangedi go fihla a amogela Moya wo Mokgethwa. Le bona ka fao re tšerego ditaelo tša motho? le go di aroša. Jesu wa Natsaretha, pele A ka lesa barutiwa go ya go rera, ka go Luka 24:49, O rile, “Bonang, Ke romela tshepišo ya Tate wa Ka godimo ga lena. Eupša letang lena, swarelelang feela motsotsso, pele le eya. Le se taboge ge Ke e bolela. Eupša,” O rile, “letang ka toropongkgolo ya Jerusalema

go fihla le hlamišwa ka maatla go tšwa Godimo. Gona le tla ba dihlatsé go Nna, bobedi ka Jerusalema, le ka Judea, le ka Samaria, le dikarolong tša kgolekgole tša lefase.”

<sup>50</sup> Eupsa, lehono, re fetotše seo. Gomme re e dirile gore re swanetše go ya sekolong, gomme re nyake popopolelo ye e itšego le saekolotši, le ditsela tše di itšego tše re itshwarago renabeng ka go—ka go phuluphithi, le ka ga metlwae ye mentši ye mennyane. Gomme re ka se kgone go ba monagano wo mosesane. Gomme morago la hwetša thuto ya kereke, go ithuta katekisima, se katekisima e se bolelago.

<sup>51</sup> Ga o phološwe ka go tseba katekisima. Ga o phološwe ka go tšoena kereke. Ga o phološwe ka go tseba Beibele. O phološwa ka go tseba Yena, Kriste. “Ka gore go tseba Yena ke Bophelo.”

<sup>52</sup> Kagona, re tšeа metlwae ya batho, le go dira ditaelo tša Modimo go hloka maatla. Diseminari tša rena di dira seo. Dikereke tša rena di nyaka seo. Dikereke tša rena di ka se se nyake ntle le ge batho ba se nyaka. Batho ba swanetše go dumelela seo, goba ba ka no dula kgole le sona, le go rapela Modimo go ba tsosetša yo mongwe godimo. Ba a e dira. Batho ba a e dira. Ga ba le gapeletše go dira seo.

<sup>53</sup> Gomme ka gona ka matšatšing ao, Bafarisei le Basadutsei le babodumedi ba letšatši leo, ba dumetše kereke go ba fa phološo. E ka ba eng kereke e se bolelago, seo e no ba tlwa ka tsela ye e swanetšego go ba, gobane kereke e boletše bjalo.

<sup>54</sup> Gabotse, go no swana lehono. Batho ba lebeletše kereke go ba fa phološo. Ga o hwetše phološo ka kereke. Le hwetša phološo ka Kriste, e sego ka go tseba tshepedišo tsoko ya kereke, goba thutotumelo tsoko, goba sebopego tsoko sa kolobetšo, goba—goba ditiro tše di itšego goba maikutlo, tao o yago go go a kgabola. Le a tseba le go phološwa ka Kriste, gomme seo ka mogau. Ka tumelo o phološitšwe, ka pitšo ya Moya wo Mokgethwa. Ke ka mokgwa wo o Mo tsebago.

<sup>55</sup> Eupsa ba bile le yona ka matšatšing ao, gomme ba tla ba le yona gakaakang lehono! Gomme ka gona batho ba thoma go makala, ka morago ga ge go tla tšeа diiri go ya go kgabola ye, “Gobaneng re le ka seemong se re lego ka go sona?” Seo yona.

<sup>56</sup> Ge rakontraka a beile polane bakeng sa banna ba gagwe go aga ntlo, ka tsela ye *bjalo le bjalo*, gomme motho yo mongwe le yo mongwe o hlokomologa polane, gomme ba agile ntlo go ya ka tsela ye ba nagannego motho yo mongwe le yo mongwe o swanetše go e aga, ke mohuta ofe wa ngwako wa go lebelela o tla bago? A le nagana o tla amogelwa? Ka gona, ge go le bjalo, monna yo motee o tla e nyaka e agilwe ka tsela *ye*, le yo mongwe ka tsela *ye*, gomme motho yo mongwe le yo mongwe o tla ya le go agela go kgopoloo ya gagwe mong. Tsela e nnoši o ka tsogego wa aga ntlo thwi, ke go ya ka polane.

<sup>57</sup> Gomme tsela e nnoši re ka tsogego ra tla morago go Modimo le go hwetša Modimo magareng ga rena, ke go tla morago go motheo wa Beibele. E swanetše go no ba ka tsela yeo. Jesu o boletše ka yona ge A be a le mo lefaseng, gomme a re, “Gobaneng le hlokonomologa goba le feta ka thoko ditaelo tša Modimo, le go di dira tša lefeela ka metlwae ya lena?” Eupša ba e dirile. Gomme ba e dira bontši gakaakang lehono!

<sup>58</sup> Kafao ke ka lebaka leo gore modudi wa ntlo a ka se tsene. Ge a hlaotše mohuta wo o itšego wa ngwako woo a nyakago go dula ka go ona, gomme o file melawana le dinyakwa tše, le go agiwa ka tsela yeo, gabotse, gona o a di neela, moagi o di neela go rakontraka. Gomme rakontraka o di ala ntłe pele ga foromane, le go ya pele. Gomme ge a ka tla morago go ntlo ye, go sepelela ka go yona, gomme e agilwe go sokagana, gomme tsela ye nngwe le ye nngwe go ya ka kgopoloy a motho yo mongwe le yo mongwe, o be a ka se tsene.

<sup>59</sup> Gomme ge Moya wo Mokgethwa o etla ntlong ya Modimo, O ka se kgone go tsena ka gare ge e agilwe godimo ga teori ya madirwa ke motho. E swanetše go tla go Beibele. Gomme Ye e swanetše go ba Polane. Ka gore go ngwadilwe, “A nke lentšu la motho yo mongwe le yo mongwe e be maaka, gomme la Ka e be Therešo.” Bohle re nyaka go nagana gore re ne Therešo yela.

<sup>60</sup> Eupša le bala Mangwalo bjang, ka tlhathollo ya sephiri? Lengwalo le bolela, gore, “Ga go Lengwalo le filwego ka tlhathollo ya sephiri.” Le fiwa ke Mohlatholli yo motee, yoo ke Moya wo Mokgethwa Yo a Le ngwadilego.

<sup>61</sup> E nkgopotša kanegelo ye ke sa tšogo e bala morago ga sekgalela se. E be e le bophelo bja pelepele bja Morena wa rena, ge A tswaletše ka Bethlehem le go tsoga godimo kua ka Judea. Gomme ka mengwaga ye lesompedi, fao go be go le me—me metlwae ye e itšego yeo batho ba e bolokilego, yeo e bego e le mokete. Ke nagana Monyanya wa Paseka. Gomme batho ba Gagwe, Maria, mme wa Gagwe, le Josefa tate mohlokemedi wa Gagwe, bohole ba ile godimo Jerusalema go boloka motlwae wo o rilego wo, feela go ba molaong ka moo ba kgonnego. Gomme ge ba be ba sa le godimo fale, ba tlide ka tsela ye kgolo, ba bolela le magagabobona le go ya pele. Gomme ge ba tloga, ba ile leeto la letšatši, gomme morago ba thoma go lebelela go dikologa bakeng sa Jesu. Gomme ba Mo nyakile magareng ga meloko ya bona le metswalo, gomme ga se ba Mo hwetša.

<sup>62</sup> Ke a makala ge eba seo ga e no ba ka tsela ye kereke e lego bjale. Ge ba etla go lefelo moo ba lemogago gore O be a se na le bona. Ke a makala ge eba go ne Methodist, le Baptist, le Mapentecostal, le eng gape fa bošegong bjo, bao ba sego ba tla lefelong leo, moo le lemogago gore Yena ga a na le lena. Ga go kgathale se le se dirilego. Le ka no ba le be le le ditsela tše di itšego le dilo tše di itšego le ilego go di kgabola, eupša go

le bjalo le a tseba, tlase ka pelong ya lena, Yena ga a gona fao. Ke a makala ge eba ga go modiradibe, goba mokgelogi yo a lego ka moagong bošegong bjo, yoo a lemogago gore Yena ga a na le wena, bošegong bjo.

<sup>63</sup> Bjale, hle le se ke la dira go swana le ka mo Maria a dirilego. Gomme lena batho ba le rapelago Maria, go reng ka seo? O thomile go Mo lebelela. Gomme o ile go magagabo le metswalo ya gagwe, a nagana o tla Mo hwetša fale.

<sup>64</sup> Gomme yeo ke tsela ye ba dirago lehono. Ba ya kerekeng, go nagana mohlomongwe ba ka Mo hwetša kua. Yo motee o kitimetše godimo go kereke ya Methodist, gomme ba tla hwetša se ba se dumelago. Gomme ba tla kitimela godimo go kereke ya Baptist, le go kereke e tee le ye nngwe, ba nyaka magareng ga dikereke. Gomme ge tšohle di badilwe, ba hwetša sehlopha se segolo sa dithutotumelo, gomme Kriste ga a gona.

<sup>65</sup> Yo mongwe wa banna ba bagologolo ka mašemong a thutamodimo, yoo ke tsebago ka yena, o be a le ntlong ya ka kgauswana. Gomme o eme ka kamoreng. Gomme ke naganne, “Ke eng monna yo mogolo boka yo a ka se dirago, a etla go bona le go nketela?”

<sup>66</sup> O rile, “Ke no nyaka go bolela mantšu a se makae, Ngwanešu Branham, go wena.”

<sup>67</sup> Ke rile, “Go lokile, a o tla dula fase?” Gomme o dirile. Gomme ke rile, “Ke ikwela bonnyane kudu, go bolela le monna wa mohuta wa gago.” Gomme o be a le Mopresidente wa Dimišene tša Sudan, bjoo ke boromiwa bjo bogologolo bja motheo woo o lego ka lefaseng. Gomme o bile le mogwera le yena, yo a bego a le mogwera wa sebele go Hyman Appleman. E be e le Mna. Reidhead, ke yo a bego a le, Ngk. Reidhead.

<sup>68</sup> Gomme o rile, “Ngwanešu Branham, ge ke be ke le mošemane yo monnyane,” o rile, “ke be ke le ntle ka tšhemong letšatši le lengwe, ke bogetše maru ge a be a fofa go feta. Gomme ke rile, ‘Oo, a go ne Modimo felotsoko ka godimo ga seo?’” O rile, “Ke kitimetše ka gare go mme wa ka. Gomme yena, ka go ba mme wa go loka wa Mokriste, a nkukela godimo ka matsogong a gagwe gomme a nthata, gomme a thoma go mpotša ka Jesu. Gomme e be e le Yena yo a bego a mpitša.” Gomme o rile, “Yena, ka go botega go kereke ya gagwe, o nthomile ka mengwaga ye šupa, go ithuta ka Jesu.” “Gabotse,” o rile, “ka seo ka pelong ya ka, ke ile go sekolo se sengwe le se sengwe ke tsebilego mokgwa wa go ya.” Gomme o rile, “Mafelelong ke hweditše Bachelor ya ka ya Bokgabo. Ke naganne, ge ke amogetše grata ya ka, gore ka kgonthe Kriste o tla be a eme thwi fale.” Gomme o rile, “Ge Grata ya Bokgabo e beilwe godimo ga ka,” o rile, “ga se ke . . . Gomme ga se gona se bego se fapania.” O rile, “Ge ke hweditše grata ya ka ya Bongaka, ke naganne O tla ba fale.” Gomme o rile, “Go be go se phapania. Feela sehlopha sa banna ba tla go dikologa

gomme ba bolela dilo di se kae, gomme ba mpha grata.” Gomme o rile, “Ngwanešu Branham, ke na le digrata tša go lekanelo go ritela leboto la gago. Eupša Kriste o kae?” Yeo ke yona. O re, “A barutiši ba bile phošo?”

<sup>69</sup> Ke rile, “Ngwanešu Reidhead, nka se nyake go bolela *gore*: ‘Barutiši ba bile phošo.’ Ka *gore* ga ke leemong go bolela *seo*. Eupša a nke ke bolele *se*: Kriste ga a tle ka Bachelor ya Bokgaboo goba Ngaka ya Bokgethwa. Eupša O tla ka mpshafatšo ya moyawa gago, ka Moya wo Mokgethwa wo o tšwago Legodimong.”

O rile, “A o nagana woo e tla ba wa ka?”

Ke rile, “Go ya ka Beibele ye ya kgale ya go šegofala, ke bakeng sa ‘mang kapa mang a ratago, a nke a tle.’”

O rile, “Ke rutilwe *gore* *seo* e be e le sa letšatši le le fetilego.”

Ke rile, “Gona, morutiši yoo a go rutilego *seo*, o be a le phošo.”

O rile, “O tseba bjang ba be ba le phošo?”

<sup>70</sup> Ke rile, “Ke O amogetše. Gomme Beibele e O tshepišitše. Ke tla . . . Fa ke moo A O tshepišitšego. Bjale mpotše le go mpontšha moo A kilego a gomiša tshepišo yela morago. O file Kereke maatla go e dira. Bjale ke kae A kilego a a gomiša? Ge Kereke e go botša gore dilo tše di fetile, gona ba ruta bakeng sa thuto ditaelo tša batho, gomme e sego tša Modimo. Ba tšea ditaelo tša Modimo le go di dira go hloka maatla, ka motlwae wa bona.” Yeo ke nnete.

<sup>71</sup> O ka se kgone go Mo hwetša magareng ga leloko la gago. O ka se Mo hwetše ge o eya gomme wa re, “Ke tla ba Momethodist, lebakana, le go bona se se diregago. Ke tla ba Mobaptist, lebakana, le go bona se se diregago.” O ka se tsoge wa Mo hwetša kua, goba e sego ka kerekeng ye nngwe ya kerekelina. Eupša kerekeng e ka ba efe o dumago go e tsena, e sego kerekelina, eupša go tsena ka kopanelong, e sego ka moka ya kerekeng, eupša kopanelo ya Moya wo Mokgethwa. Gona o Mo hweditše. Go tla ba le tumelo ye e ikemego.

<sup>72</sup> Ge o le Momethodist, Mobaptist, Mokatoliki, Mopresbyterian, e ka ba eng o ka bago, ge o ka hwetša Jesu bjalo ka Mophološi wa gago mong wa sebele, e sego ka go Šikinya diatla le moreri, goba dithuto tša thutotumelo, eupša ka go hwetša Morena Jesu. Gomme dikerekeng lehono, di dira dithutotumelo tša tšona bjalo, di jeletša Modimo. Ba tšea dithuto tša bona, le go dira ditaelo tša Modimo tša lefeela. Ga le na maatla godimo ga batho. Gobaneng? Gobane thutamodimo ya rena ya madirwakemotho, dithuto tša rena le dithutotumelo tša rena, di tswaletše ditšhegofatšo go tloga go batho, gomme ga ba ne sebakabotse go O amogela. Ga ba tsebe selo ka Wona. Ba no tseba gore ke ba kerekeng. Gomme ke ka baka leo re se nago kopanelo, dikerekeng, e tee go ye nngwe. Ke ka baka leo ba nago le

tsošeletšo gomme dikereke tše dingwe di ka se dirišane le bona, kerekeleina tsoko, gobane ba re, “Ga se tumelo ya ka.”

<sup>73</sup> Go na le Tumelo e tee feela. Beibele e boletše bjalo. E sego tumelo ka go thutotumelo; e sego tumelo ka go kerekeleina. Eupša tumelo go Modimo. Yeo ke tumelo e nnoši yeo e lego gona. “Tumelo e tee, Morena o tee, le kolobetšo e tee.” Lengwalo le bolela bjalo.

<sup>74</sup> Gomme bjale, morago ga go ya, leeto letšatši lohle, ba lebelela magareng ga magagabobona, gomme ga se ba kgone go Mo hwetša.

<sup>75</sup> Ke a makala, bošegong bjo, ke batho ba bakae ka fa ba ilego godimo go kereke ya Baptist le go tšeelwa godimo le Baptist. Bjale, ga go selo . . .

<sup>76</sup> Ga ke rage kgahlanong le dikereke. Ke eme le ye nngwe le ye nngwe wa tšona. Eupša, se ke lego bakeng sa sona, ke . . . kgahlanong, ke, ba dira dithutotumelo tša bona, le go thala methaladi le mellwane. Ge kereke ye nngwe le ye nngwe e dutše thwi go otloga go Beibele, gomme ya no E bala ka tsela, gomme ya se tshwenyane le Yona, e no E tlogela ka tsela ye Modimo a E ngwadilego, eupša ba tla ya seripa se sennyane, ba re, “Oo, leo e be e le la lebaka le lengwe.” Ga se lebaka le lengwe. Modimo o a swana maabane, lehono le go ya go ile.

<sup>77</sup> Bjale, o tla ya leetong la letšatši, gomme o tla lebelela go dikologa gomme o tla bona thutotumelo ye e itšego, gomme ka gona o tla nagana, “Gabotse, mohlomongwe ye ke yona.” Gomme o tla ya ka gare gomme o tla lebelela go dikologa. Go tla ba yo mongwe ka fale yoo a tla dirago se sengwe. O tla re, “Ye ga se yona.”

<sup>78</sup> O tla hwetša lengwalo la gago go tšwa kerekeng yela le go le tše go ya go ye nngwe. Gomme ka gona o tla ba ka kua matšatši a se makae, goba mohlomongwe dibeke, goba dikgwedi, goba ebile le mengwaga. Yo mongwe o tla nyamiša tshepedišo ye nnyane yela ya gago, gomme o tla tloga le lengwalo la gago, felotsoko gape; gomme go tloga fao, go ya felotsoko. Ga se wa ke wa tsoge wa kgosela. Beibele e rile, “Le bjalo ka dinaledi tše di sesellago, dikepe tše di se nago diseila, di tšewatšewa ke phefo ye nngwe le ye nngwe ya thuto.” Mola, Beibele e re ganetša go dira seo.

<sup>79</sup> Ebang go tia. Tsebang mo le emego. O se ke wa e thekga . . . Bjale, o ka kgona go hlokofala ka go botega ka seo, go beng go tia. O ka kgona go ba Momethodist wa go tia, Mobaptist, Mopresbyterian, Mokatoliki, goba eng kapa eng go feta, wa go no tia. Eupša le se ke la tia ka thutong ya lena ya kereke. Tiang ka Thutong ya Beibele. Gona lekolang dithuto tša lena ka Beibele. Kgopelang se Jesu a bilego. Ge A sa swane lehono, gona thuto ya lena e fošagetše.

<sup>80</sup> Le na le mohlala. Gomme O rile, “Ke nna mohlala wa lena. Ke le file mohlala, gore le dirane mongwe go yo mongwe, bjalo ka ge Ke dirile go lena.” Mokgethwa Johane 13.

<sup>81</sup> Bjale, eupša le hwetša, seo ke se se diregago. Bjale, go na le tsela e tee feela ya kgonthé go Mo hwetša nako yeo, ge a se a kgona go Mo hwetša magareng ga magagabo. O ile morago mo a Mo tlogetšego.

<sup>82</sup> Seo ke se kereke e swanetšego go se dira. Eya morago moo o Mo tlogetšego, gomme fao o tla Mo hwetša, wena Momethodist, Mobaptist, le Mapentecostal, le Assemblies of God, le lena bohole, Tabarenekèle ya Branham, le go ya pele. Eyang morago moo le Mo tlogetšego.

<sup>83</sup> E nkgopotša ka morapeledi, nako ye nngwe ya go feta, ka Ntweng ya Bobedi ya Lefase. O be a mpotša gore o be a le motšhene...o ile go mo—mo monna yoo a bego a... matšhenekane...ba mmoditše gore o be a ehwa, o be a thuntšwe go kgabola sefega ka sethunya sa matšhenekane, dikolo tše ntši, gomme o rile monna o a hwa. Gomme morapeledi o ile ka gare go mmona. Gomme o be a le mokapotene. Gomme a sepeleka ka tenteng, gomme a re, “Mokapotene, a o Mokriste?”

O rile, “Gabotse, nkile ka ba Mokriste.”

O rile, “Gona go diregile eng?”

O rile, “Ke no se elelwe ka fao e thomilego.”

<sup>84</sup> Gomme o lebeletše tshate ya gagwe. Gomme o bone o be a nno fiwa e ka ba metsotso ye meraro go metsotso ye mehlano go phela, gomme karolo ye botse ya nako yeo e be e šetše e fedile. Re tseba gannyane bjang eupša bontši bja nako ya rena bo šetše bo fedile le bjona! Gomme morapeledi o rile go mokapotene, o rile, “Mokapotene, o Mo tlogetše kae?”

“Gabotse,” o rile, “Ke no se kgone go elelwa gonabjale.”

<sup>85</sup> O rile, “Bokaone o hlaganele, ka gore ga o ne nako ye ntši go ya morago go theoga tsela go moo o Mo tlogetšego.” Gomme o rile, “Kae kapa kae mo o Mo tlogetšego, gona eya thwi fao gomme o thome, gomme o tla Mo hwetša.”

<sup>86</sup> Gomme morapeledi o boletše gore o letile le dinakwana di se kae le Beibele ka seatleng sa gagwe go kwa se mokapotene a bego a tla se bolela. Gomme o ile pele a nagana le go nagana, gomme a katana, ge madi a be a tlala godimo ka leswafong la gagwe. Gomme ka morago ga lebakana, myemyelo ye kgolo ya tla godimo ga sefahlego sa gagwe, gomme megokgo ya keleketla go theoga lerama la gagwe. O rile, “Oo, ke a elelwa.”

O rile, “Thoma go tloga fao, mokapotene, ka pela.”

<sup>87</sup> Gomme mokapotene o rile, “Bjale ke ipeile fase go robala. Ke rapela Morena soulo ya ka go e boloka. Gomme ge nka hwa pele

ke phafoga, ke rapela Morena soulo ya ka go e tšea.” O retolotše hlogo ya gagwe, gomme o be a ile.

<sup>88</sup> O Mo hweditše kae? Ka go boitemogelo bja gagwe bja sekolo se se phagamego? Ka go katišeng ga gagwe ga saekolotši ya motho? Ka go thutotumelo ya gagwe? Ka kerekeng ya gagwe? Aowa! O Mo hweditše kae? Mo tharing. Ke moo a Mo tlogetšego, gomme ke moo Jesu a letilego.

<sup>89</sup> Re ka se tsoge ra hwetša Jesu ka go ya morago mathomong a Bobaptist, morago go mathomo a Bomethodist, goba Bokatoliki. Re tla hwetša feelsa Kriste ge re eya morago go pentecost, mathomong. E sego kerekeleina bjale, eupša go boitemogelo bja kgonthe bja pentecostal. Ge batho ba lekgolo le masomepedi ba be ba kgobokane ka Kamoreng ya Godimodimo, yeo Jesu a bego a ba romile kua, gomme O ba boditše, “Lena letang ka toropongkgolo ya Jerusalema go fihla le hlamišwa ka Maatla go tšwa Godimo.”

<sup>90</sup> Re ka se tsoge ra leta botelele go lekanelo go hwetša thuto ya go lekanelo, e sego go hwetša Digrata tša Ngaka, goba boitemogelo bja thutamodimo. Eupša re tla swanela go leta go fihla Moya wo Mokgethwa wola wa pentecostal o wela godimo ga motho ka motho, ka Maatla a go swarelela go retolla sefahlego sa gagwe goba sa gagwe go tloga go sebe le dilo tša lefase, le go phela boka Mokriste. Ka gona o ka kgona go tšoena kereke ye nngwe le ye nngwe ye o e kganyogago.

<sup>91</sup> Eupša re Mo tlogetše ka pentecost. Methodist e Mo tlogetše ka pentecost. Baptist e Mo tlogetše ka pentecost. Katoliki e Mo tlogetše ka pentecost. Maamish a Mo tlogetše ka pentecost. Brethren e Mo tlogetše ka pentecost. Assemblies of God e Mo tlogetše ka pentecost. Kereke ya United e Mo tlogetše ka pentecost. Fao ke mo A thomilego.

<sup>92</sup> O Modimo, thuša se go gapela gae go pelo ye nngwe le ye nngwe. Ke ka baka leo A sa kgonego go dula ka moagong wo. Ke ka baka leo A ka se kgone go tla go dithutotumelo tša renal le dikerekemaina. Re tlogetše dikokwane kgole.

<sup>93</sup> Theetšang. Jesu o rile, “Ke nna Morara, lena le makala.” Gomme ge Kereke e ipolokile ka Boyona ka go Jesu, E tšweleditše lekala la pentecostal. Gomme ge lekala la pele le etšwa go Morara, pentecostal, lekala le lengwe le le lengwe le tla swanela go swana le la pele. Re swanetše go boela morago go boitemogelo bja pentecostal gape.

<sup>94</sup> Ge morara o hloga lekala la morara wa terebe mo, lekala la go latela e tla ba morara wa terebe, lekala la go latela e tla ba morara wa terebe, gomme lekala la go latela e tla ba morara wa terebe.

<sup>95</sup> Gomme Jesu Kriste o a swana maabane, lehono, le go ya go ile. Gomme A ka kgona feelsa go ba le mohuta o tee wa makala,

gomme ao ke makala a pentecostal, ka Kerekeng ya Gagwe, ka maitemogelo a pentecostal.

<sup>96</sup> “Oo,” o re, “Ngwanešu Branham, motsotso feela. Ke botega go thutotumelo ya ka.”

<sup>97</sup> Ge thutotumelo ya gago e ruta gore sohle o swanetšego go se dira ke go šikinya diatla le moreri, Jesu o rile, “Go be go se bjalo go tloga mathomong.”

<sup>98</sup> O re, “Ngwanešu Branham, ke nna wa kerekeleina ye kgolo, gomme kereke ya ka e bolela gore matšatši a mehlolo a fetile.”

<sup>99</sup> Jesu o rile, “Go be go se bjalo go tloga mathomong.” Mathomong a be a le kae? Pentecost, moo Maatla a Modimo yo a phelago a wetšego godimo ga batho ba lekgolo masomepedi, le go ba kolobetša ka Moya wo Mokgethwa le Maatla, bakeng sa ditirelo go Yena. Seo se fetotše lefase la go tsebja.

<sup>100</sup> O re, “Ngwanešu Branham, kereke ya ka e a dumela.” Re bona basadi mekgotheng lehono, ba kgoga disekerete, ba apara dišothi. O re, “Gabotse, modiša wa ka ga a bolele selo ka yona. Kereke ya rena e re seo se lokile.”

<sup>101</sup> Eupša Jesu o rile, “Go be go se bjalo go tloga mathomong.” Go be go se bjalo. “Ka gore basadi, ba ba tla aparago seaparo sa monna, ke makgapa mahlong a Modimo.”

<sup>102</sup> O re go nna, “Ngwanešu Branham, mašego a se makae a go feta, o sotše gofafatša.” Eupša o re, “Kereke ya ka e ruta gore o ka kgona gofafatšwa, gomme go lokile.”

Eupša Jesu o rile, “Go be go se bjalo go tloga mathomong.”

<sup>103</sup> O re, “Eupša, Ngwanešu Branham, kereke ya ka e dumela go go golobella. Gomme ke hlokofetše. Gomme ke kereke ye kgolo.”

Eupša Jesu o boletše, gore, “Go be go se bjalo go tloga mathomong.”

<sup>104</sup> E re, “Ngwanešu Branham, ke inetšwe, ‘leineng la Tate, le leineng la Morwa, le leineng la Moya wo Mokgethwa.’”

<sup>105</sup> Beibebe e rile, “Go be go se bjalo go tloga mathomong.” Ga se gwa ke gwa tsoge gwa ba selo se sebjalo. Go latela thutotaelo le thutotumelo ya madirwa ke motho!

<sup>106</sup> Petro o rile, ka Letšatši la Pentecost, ka Kerekeng ya pele, “Sokologang, yo mongwe le yo mongwe wa lena, le go kolobetšwa Leineng la Jesu Kriste, bakeng sa tebalelo ya dibe tša lena, gomme le tla amogela neo ya Moya wo Mokgethwa. Ka gore tshepišo ke ya lena, le go bana ba lena, le go bona ba ba lego kgole, le ba bantsi ba Morena Modimo wa rena a tlago go ba bitsa.” Se sengwe le se sengwe kgahlanong le Leo, se be se se bjalo mathomong.

<sup>107</sup> O re, “Ke nna wa kerekeleina ye kgolo y e rego, ‘Re bolela mo Beibebe e bolelago, gomme re homola mo E homotšego.’ Gomme kereke ya rena e a bolela, gore, ‘Matšatši a mehlolo a fetile.’”

<sup>108</sup> “Go be go se bjalo go tloga mathomong.” Ka gore Jesu o rile, “O tla swana maabane, lehono le go ya go ile.” “Magodimo ohle a tla feta, eupša Lentšu la Gagwe le ka se tsoge la feta.”

<sup>109</sup> Re phela mo letšatšing leo ba tšerego ditaelo tša Modimo gomme ba di fapošeditše ka go metlwae ya batho, eupša go be go se bjalo go tloga mathomong. Ke motlwae wa batho woo re o rapelago, gomme e sego ditaelo tša Modimo.

<sup>110</sup> Re eme fa ka mahlo a rena beng, bošegong bja go feta, gomme ke bone moreri wa sefofu a amogela pono ya gagwe, a eme sefaleng. Ke Mmone a fodiša yona meriti ya lehu, ke Mmone a tliša batho ba bararo bophelong morago ga ge ba begilwe “hwile,” ke ngaka.

O re ga o dumele seo. “Kereke ya ka ga e e dumele.”

<sup>111</sup> Eupsa Yeo e bile thereso go tloga mathomong. Eng kapa eng kgahlanong ga se bjalo, go tloga mathomong, ka gore Modimo ke Modimo wa Bophelo, Ramaatlakamoka Modimo, A ka se kgone go šitwa. O a swana maabane, lehono, le go ya go ile. Ga re kgone go Mo hwetša ka go dithutotumelo tša rena. Ga re kgone go Mo hwetša ka go dikerekemaina tša rena. Re swanetše go Mo hwetša morago moo re Mo tlogetše.

<sup>112</sup> O re, “Gabotse, ke na le, Ngwanešu Branham. Ke go botša se ke se dirilego. Ke binne ka Moya. Ke a tseba ke na le Wona.”

“Go be go se bjalo go tloga mathomong.”

“Ke boletše ka maleme, kafao ke a tseba ke O hweditše.”

“Go be go se bjalo go tloga mathomong.” Yeo ke nnete.

O re, “Ke goeleditše, gomme ke O hweditše.”

<sup>113</sup> “Go be go se bjalo go tloga mathomong.” Yeo ke nnete. Go tseba Kriste ke go tseba Motho wa Kriste, ka go tebalelo ya sebe, gomme e fetola bophelo bja gago.

<sup>114</sup> Ke bone batho ba bina, ba goeletša, ba bolela ka maleme, le go ya pele, le go phela mohuta e ka ba ofe wa bophelo. Kafao, seo se ka se kgone go loka. Ke ba bone ba tšoena dikerek, ba šikinya diatla, ba kolobetša, ba eya go kgabola mehuta yohle ya dithutotumelo, gomme ba sa phela bjalo ka diabolo. “Go be go se bjalo mathomong.”

<sup>115</sup> Go kopana le Yena, Motho, Morena Jesu, go Mo tseba bjalo ka Mophološi wa gago mong, go Mo tseba bjalo ka Moratiwa wa gago, “Go tseba Yena ke Bophelo.” Eupsa dithutotumelo tše dingwe tše le dilo, ga se nke mathomong tša hlatsetswa ke Morena wa rena. “Eyang lena ka go lefase lohle gomme le rere Ebangedi go sebopiwa se sengwe le se sengwe.” Bokgole bjo bokae? “Lefase lohle.” Go mang? “Sebopša se sengwe le se sengwe.” “Maswao a a tla latela bona bao ba dumelago.” Seo e be e le se se bego se le mathomo. Se sengwe le se sengwe kgahlanong

le seo ga sa loka. Ga o se hwetša ka go dithutotumelo. O e hwetša ka go Kriste. Ke Yena a nnoši.

O re, “Ngwanešu Branham, Beibele e boletše kua . . .”

<sup>116</sup> E boletše eng? “Ka Leina la Ka ba tla lelekela bodiabolo ntle; ba tla bolela ka maleme a maswa, maleme; gomme ge ba ka swara disephente, goba ba nwa dilo tše di bolayago, di ka se ba gobatše; ge ba bea diatla go balwetši, ba tla welwa ke maruru.” Seo ke se Lengwalo le se boletšego. Eng kapa eng kgahlanong le Leo . . .

<sup>117</sup> Le re, “Maswao a a ba latela: ke mokgalabje wa go loka; o lefa dikarolo tša lesome tša gagwe; o šoma gabotse; o swara moagišani wa gagwe gabotse.” Ge seo e le sohle se se tšerego, Kriste o be a se a swanela go hwa.

<sup>118</sup> Go tsea boitemogelo bja sebele bja go feta go tloga lehung go ya Bophelong, le go ba sebopiwa se seswa ka go Kriste Jesu, le Kriste ka pelong. Woo ke Moya wo Mokgethwa. Moo ke mo o thomilego.

<sup>119</sup> Bona barutiwa ba be ba le banna ba go loka. Ba be ba le banna ba go loka. Ba lefile dikoloto tša bona. Ba be ba botega. Ba be ba tla fa dintšhi tše lesomešupa ka jarateng; le diontshe tše dintši kudu godimo ga ponto; gomme ba eya maele o tee, ba ya go tše pedi. Ba be ba le ba bodumedi kudu, gomme le Bafarisei bale ba be ba le bjalo. Eupša Jesu o rile, “Ntle le ge motho a ka tswalwa gape, a ka se ke ka mokgwa ofe go tsena ka Mmušong.”

<sup>120</sup> Re swanetše go ya morago moo re Mo tlogetšego. Go ya morago le go Mo hwetša, ka gore dithutotumelo tše di be di se bjalo mathomong. Dikerekemaina di be di se bjalo mathomong. Kafao e no lahla se sengwe le se sengwe gomme o potlakele morago go pentecost, gomme o hwetše Modimo wa therešo le go phela, Yo a fodišago balwetši, a hlwekišago balephera, a lelekelago bodiabolo ntles, le dittleleime go ba ka Beibeleng, wa go swana maabane, lehono le go ya go ile. Yena ke Modimo wa mathomo. Yena ke Yena Yo a sa fetogego. A ka se kgone go ba Modimo, gomme a be se sengwe lehono le se sengwe gape gosasa, le se sengwe gape. A ka se be wa go se felele gomme a ba seo. O a swana ka go felela maabane, lehono, le go ya go ile.

<sup>121</sup> Bjale, bagwera, ka letšatšing le re phelago ka go lona, ge re bona gore batho ba sentše lefase ka metlwae ya bona, ge ba sentše kereke ka metlwae ya bona, ge ba sentše menagano ya batho ka metlwae ya bona! A ga se ra ya go e kgabola bošego bjo bongwe, le go bona moo kereke yela ya proseteite ya kgale, goba kereke ya mmalegogwana e bilego le barwedi, gomme bobedi ba fa ntles, bakeng sa Thuto, mabootswa a ditšila tša bona? Seo se tla ka mokgatlo wo mongwe le wo mongwe. Ba tšhilafetše.

<sup>122</sup> Gomme, bjale, ga ke re tlogang go mokgatlo wa lena. Eupša tlogang go go no swarelala go mokgatlo woo. Eyang go Kriste. Dilo tše ke phošo. A re yeng morago mathomong. Gona, ge re ka kgona go dira seo, le tla hwetša Kriste a sepelela ka ntlong yela

yeo e agilwego godimo ga Leswika la go tia. Gomme fao maswao le matete le tšhegofatšo ye nngwe le ye nngwe ye Modimo a e tshepišitšego e tla bonagatšwa ka Kereke yeo.

A re rapeleng.

<sup>123</sup> Feela pele re eya thapelong, ge ke tlogela tshebotšo ye ya go ikgetha ka pelong ya gago: A e na le *wena* go swana le ge e bile mathomong? Kereke ye o lego ka go yona, ke feela thutotumelo goba kerekeleina, goba a ke boitemogelo bjoo bo tlišago go wena sela se swanago le se se dirilego mathomong? Ge go se bjalo, gona ga go bjalo. A o ka se tle mathomong gona, gomme wa thoma go tloga fa? Gomme wa tloga go dithutotumelo le dikerekemaina, gomme wa direle Modimo yo a phelago. Ge o le mo, bošegong bjo, gomme o tla hlologela go gopolwa ka thapelong ya go tswalela, a o ka phagamišetša diatla tša gago go Modimo, le go re, “Nkgopole, Ngwanešu Branham.” Modimo a le šegofatše, go kgabola moago. Seo se lokile. Seo se kaone.

<sup>124</sup> Ga go kgathale o wa kereke efe, kerekeleina ya gago, phagamiša seatla sa gago, e re, “Eba le kgaogelo, Modimo, go nna.” Modimo a le šegofatše. Seo se kaone. Ditasene tša diatla godimo, gohlegohle moagong.

<sup>125</sup> “Nkgopole ka thapelong, ngwanešu, ka iring ye,” o re, “gobane ke nyaka go ya morago mathomong.” Modimo a go šegofatše. Modimo a go šegofatše, wena, wena tlase fao, morago ka holong, godimo ka ntle. Morena a le šegofatše. Modimo o bona diatla tša lena, tše dintši kudu go nna go di bala. O tseba yo mongwe le yo mongwe. Moragorago, mohumagadi yola a lekago go phagamišetša diatla tša gagwe godimodimo morago kua, a go šegofatše, kgaetšedi.

<sup>126</sup> Jesu o rile, “Le ruta bakeng sa Thuto metlwae ya batho, gomme le dira ditaelo tša Modimo tša lefeela, ka metlwae ya lena.” Gomme ge A e boletše ka letšatšing leo, go reng ka le? A re yeng morago mathomong bjale. Ke eng e bilego... Go reng ka yona?

<sup>127</sup> Ge Lekala le tlale pele ka Letšatši la Pentecost, gomme la tliša pele Kereke ya mohuta woo, ba ile go lefase lohle, maswao le matete a ba latetše mogohle, e sego maswao le matete ao re tla a bitšago lehono, eupša letšatši ge ba ile pele: ba rerile mogohle; ba kolobeditše batho, godimo gape, Leineng la Morena Jesu; ba—ba lelekela bodiabolo ntle; ba fodišitše balwetši; ba bile le phenyo, go tloga mathomong go ya bofelong.

<sup>128</sup> Gomme ge motlwae wa kereke ya gago o go rutile kgahlanong le Woo, a re yeng morago mathomong moo re e tlogetšego. Gomme a re hlagišeng mo, bošegong bjo, maloko a Kereke go swana le mathomong, ba ba bilego le lerato la boena, yo motee go yo mongwe, ba bea fase maphelo a bona yo motee go yo mongwe. Banna le basadi ba ba ratanago seng, lerato le Lekgethwa le

lebjalo, go fihla ba eya go lefelo la tshokollo goba go bolaweng bakeng sa bona seng. Yeo ke Kereke ya setlogo.

Morena a le šegofatše, ge re rapela.

<sup>129</sup> Morategi Tate wa Legodimong, ge re etla go tswaleleng ga Molaetša wo monnyane wo, bošegong bjo, gomme batho ba eme go dikologa maboto, ba letile, ba itshamile godimo ga dipilara, le go bapa le maboto, le ebile ka ntłe. Gomme ba phagamisa diatla tša bona, gore ba nyakile go kopana le Jesu yola wa mathomo. Efa, Morena, ka go yona iri ye, ba kopana le Yena. Ka gore go ngwadilwe, “Ba lehlogenolo ke ba ba swerwego ke tlala le go nyorelwā toko, ka gore ba tla tlatšwa.” Palo ye kgolo ya diatla, Tate. Bontši kudu bja bona, ga se ke kgone go ba bala le gatee. Eupša Wena o ba bona bohle, le go ba tseba bohle.

<sup>130</sup> Gomme go ngwadilwe, gore, “Ga go motho a ka tlago go Nna, ntłe le ge Tate wa Ka a mo goga.” Ba lapišitšwe ke dithutotumelo tše, gomme ba lemoga gore ga ba hwetše Jesu ka go tšona. Boka Maria le Josefa, ba swanetše go ya morago mathomong moo ba Mo tlogetšego. Ba rata go ya morago, bošegong bjo, go boitemogelo bja pentecost, le go amogela Moya wo Mokgethwa, gomme fao ba tswalwa leswa ka Mmušong wa Modimo. Gomme, efa, Morena, gore yo mongwe le yo mongwe wa bona o tla amogela boitemogelo bjoo, yona iri ye. Ka gore re e kgopela Leineng la Jesu, Morwa wa Gago.

<sup>131</sup> Gomme ge re sa ne dihlogo tša rena di inamišitšwe. Ga ke tsebe ge eba le ka kgona goba aowa; ge le ka rata go sepelela ntłe ka bogareng bja mokgoba wo, fao go na le sekgoba se se sepelago go kgabola mo. Etla thwi tlase mo, gomme o eme go dikologa aletara, gomme o re, “Ngwanešu Branham . . .” Ge ka therešo o dumela seo.

<sup>132</sup> Nka no ba ke bile sephiri go lena, mo dinakong tša go feta. Eupša go boneng gore se sengwe se diregile, dimilione go dikologa lefase di O amogetše. [Ga go selo go theipi—Mor.]

<sup>133</sup> “Gomme go bonala o ka re e ya thwi go otlologa morago mathomong, go Beibele. Ga ke ne boitemogelo bjoo, eupša ke—ke nyaka o nthapediše, bošegong bjo, thwi fa mo aletareng, le go bea diatla godimo ga ka. Ka gore yeo ke tsela ye ba e dirilego mathomong.”

<sup>134</sup> Filipi o ile tlase le go rerefela Basamaria. Gomme o be a ba kolobeditše bohle Leineng la Jesu. Eupša Moya wo Mokgethwa o be o sešo wa tla go yo mongwe wa bona, go fihla ba rometše go Petro. Gomme o tlide tlase le go bea diatla go bona, gomme ba amogetše Moya wo Mokgethwa.

<sup>135</sup> Ge o ka hlologela thapelo, gomme ge soulo ya gago e imetšwe ke sebe, gomme go le bjalo le lekile dikereke le dikolobetšo, le go ya pele, eupša ga se ya šoma; ge le nyaka go ba, nna go rapela le lena, bošegong bjo, etlang thwi godimo fa bjale. Ke tla thaba go neela tirelo ya ka ya thapelo go yo mongwe le yo mongwe wa

lena, go hlokofala. Gomme ke a dumela ge o etla ka matebong a tlhokofalo ya gago, Modimo yo a kgonago go bula mahlo a a foufaditšwego a ka kgonago go hlwekiša pelo ya ditšila. Modimo yo a kgonago go tsoša bahu, nameng, ka nnete a ka kgonago go mo tsoša semoyeng. Yo a kgonago go phediša mmele wa go hwa, ka nnete a ka kgonago go phediša soulo ya go se hwe. *Go phediša* go ra “go dira go phela.” A nke Modimo a sobetše seo ka pelong ya lena, bagwera barategi ba ka.

<sup>136</sup> Lena batho mo, ba toropokgolo ya Jeffersonville, le New Albany, le Louisville; Ga ke tsebe le ya go ema bjang ka Letšatši la Kahlolo, gobane Modimo o dirile se sengwe le se sengwe thwi mo, ka go ye nnyane ye ya kgale ya go kokobela, tabarenekele ya go lebega go robegela fase. O fodišitše balwetsi. O bontšhitše maswao le matete. O—O tlišitše le pele, Lentšu la Gagwe, a sa aroše selo se tee go tšwa Mangwalong, le go inetefatša Yenamong go ba Modimo wa ba ba phelago.

<sup>137</sup> O ya go dira bjang Legodimo legae la gago, gomme o lekeletše godimo ga dithutotumelo le dikerekemaina, mabodumedi a maaka, le dikolobetšo tša maaka, le maikutlo a maaka? O ya go e dira bjang, ge e le thwi ka pelong ya gago, ka diatleng tša gago, go dira sephetho sa gago? Ke be ke le lefelong la lena, pele go eba thari go ya go ile, ke tla tla.

<sup>138</sup> Ka gore, elelwang, Jesu o boletše ka basadi ba tee ba tšwago setšhabeng. Gomme O rile, “Kgošigadi ya Borwa e tla tsoga ka Letšatši la Kahlolo, le moloko wo, gomme o tla o ahlola, ka gore o tlide go tšwa dikarolong tša kgolekgole tša lefase go kwa bohlale bja Salomo.”

<sup>139</sup> Modimo a go šegofatše, kgaetšedi wa ka. Ge o no nyaka go khunama, eya thwi tlase kua. Ge bana ba bannyane ba šuthela morago feela bokgole bjo ba ka kgonago bjale, go bao ba ka nyakago go tla le go khunama bakeng sa thapelo.

<sup>140</sup> Ke ya go opela feela temana goba tše pedi tša pina ye, “Ke kgwapareditše soulo ya ka ka go lefelo la go khutša,

Nka se sa sesa mawatle a lebelete gape;  
Ledimo le ka no swiela godimo ga bja lebelete,  
botebo bja madimo,  
Ka go Jesu ke bolokegile go ya go ile.  
Ke kgwapareditše ya ka . . .

<sup>141</sup> Bjalo ka ge Moya wo Mokgethwa o tla dira, go hlahla thwi go theogela aletareng bjale bakeng sa thapelo.

. . . sesa mawatle a lebelete . . .

Etla, mokgelogi.

Ledimo le ka no swiela godimo ga bja lebelete,  
 botebo bja madimo,  
 Ka go Jesu ke bolokegile go ya go ile.

Phadima godimo ga ka, Morena, phadima  
 godimo ga ka,  
 A nke Seetša go tšwa Ntlongseetša . . .

<sup>142</sup> Seo ke se Le lego sona, Ke Lentšu.

. . . phadima . . .

O na le Wona o phadima gohle go go dikologa.

Oo, phadima godimo . . .

<sup>143</sup> A o ka se dire tsela ya gago go tšwa setulong sa gago, wa tla fase? Eya morago kerekeng ya gago, kae kapa kae mo o tšwago; eupša etla mo gomme o Mo hwetše go swana le ka mo A bego a le mathomong.

A nke Seetša go tšwa ntlongseetša se phadime  
 godimo ga ka.

Go swana le Jesu, go no swana . . .

<sup>144</sup> Ke ba bakae ba ka ratago go ba ka mokgwa woo? E no phagamišetša seatla sa gago godimo.

Lefaseng ke hlologela go ba bjalo ka Yena;  
 Gohle go kgabola leeto la bophelo go tloga  
 lefaseng go ya Letagong,  
 ke kgopela feela go swana le Yena.

Go tšwa legopong la Bethlehem go tlie pele  
 Mosetsebje,  
 Lefaseng ke hlologela go ba bjalo ka Yena;  
 Gohle go kgabola leeto la bophelo go tšwa  
 lefaseng go ya Letagong  
 ke kgopela feela go swana le Yena.

Feeba go ba boka Jesu, go ba boka Jesu,  
 Lefaseng ke hlologela go ba bjalo ka Yena;  
 Gohle go kgabola leeto la bophelo go tšwa  
 lefaseng go ya Letagong  
 ke kgopela feela go swana le Yena.

<sup>145</sup> Bjale ge ba, batsetsedi baratwa, bao ba kwelego phenyego ya Moya wo Mokgethwa, o ba biletša go bofihlo bja bona bja mafelelo. Gomme elelwang, e ka no direga go motho yo moswamoswa ka mo, mo metsotsong ye mehlano. Gomme ka go iri e tee go tloga bjale, fao go ka no se be motho yo a phelago lefaseng. E ka kgona go direga. Saense e boletše, mengwaga ye mebedi ya go feta, "E bile metsotso ye meraro go fihla bošegogare." Le tseba se re bego re se rera ka diprofeto. Go no lokela go direga. Gomme gobaneng Sathane a ka go boloka o tswaleletšwe, ka pelaelo ye nnyane ka monaganong wa gago?

<sup>146</sup> Bjale, lena fa bao lefafaditšwego, le tšhetšwego, goba—goba le kolobeditšwego ka ditsela tše dingwe go feta kolobetšo ya Bokriste, a nke se se tsebje go lena.

*Ge Petro a sa bolela mantšu a, Moya wo Mokgethwa wa wela godimo... bona ba ba kwelego lentšu.*

*Gomme bona bale ba lebollo ba ba dumetšego ba ile ba tlabega, ba bantši ba ba tlilego le Petro, gobane... go Bantle... go tšholletšwe ntle mpho ya Moya wo Mokgethwa.*

*Ka gore ba ba kwele ba bolela ka maleme, le go godiša Modimo. Morago gwa araba Petro,*

*A motho a ka kgona go thibela meetse, gore ba ba se kolobetšwe, ba ba amogetšego Moya wo Mokgethwa bjalo ka rena?*

*Ka gona o ba laetše go kolobetšwa leineng la Morena Jesu Kriste.*

<sup>147</sup> Ditiro 19, a nke ke le tsopolele, go lena batho ba Baptist. Gomme theetsang se sekgauswi.

*Gomme go diragetše, gore, ge Apollo a be a le ka Korinthe, Paulo a fetile go kgabola mabopo a godimodimo... a Efeso: o hwetša barutiwa ba ba itšego,*

*O rile go bona, A le amogetše Moya wo Mokgethwa ge e sa le le dumetše?... ba rile go yena, Rena... ga re tsebe ge eba go na le Moya wo Mokgethwa wo o itšego.*

*Gomme o rile go bona, Le kolobeditšwe go eng... le kolobeditšwe? Gomme ba rile, re kolobeditšwe go Johane...*

*... o rile, Ruri, Johane o kolobeleditše go tshokologo, a re... gore ba dumele go yena go tla... ke gore, go Jesu Kriste.*

*Gomme ge ba kwele se, ba ile ba kolobetšwagape gape leineng la Morena Jesu Kriste.*

*Gomme... Paulo... o beile diatla tša gagwe go bona, gomme Moya wo Mokgethwa o tlie go bona; gomme ba boletše ka maleme, le go godiša Modimo.*

<sup>148</sup> Galatia 1:8, Paulo o bolela gape.

Bjalo ka ge ke boletše, ke bolela bjalo gape; ge rená, goba morongwa go tšwa legodimong, a rera ebangedi e ka ba efe ye nngwe go lena... a nke a be morogakwa.

<sup>149</sup> Ga go kgathale ke dithutotumelo tše kae tša seetša, ke dikerekemaina tše kae, ke dilo tše kae! Ge o se wa kolobetšwa Leineng la Jesu Kriste, lena badumedi, ke a le laela, Leineng la Jesu Kriste, go sepela go ya mogobeng wo le go kolobetšwa. Yeo ke nnete. Ya. Seo ke tlwa se Lengwalo le se bolelago. “Ka gore ga go Leina le lengwe ka tlase ga Legodimo, le filwego magareng ga

batho, leo le swanetšego go phološwa ka lona.” Ga go kgathale bontši gakaakang o... se o se dirilego, ke bontši gakaakang o amogetšego Moya wo Mokgethwa, a re yeng morago mathomong. Ge o fafaditšwe, o tšhetšwe, goba se sengwe o kolobeditšwe, ka leina la “Tate, Morwa, Moya wo Mokgethwa,” ke thutotumelo ya maaka. Ga go yo motee ka Beibeleng a kilego a fafatšwa, a kilego a tšhelwa, goba a kilego a kolobetšwa leineng la “Tate, Morwa, Moya wo Mokgethwa.” A re yeng morago mathomong, gomme le tla Mo hwetša. Aletara e bulegile, gomme mogobe o letile. Ge re sa opela nako ye nngwe gape, “Go no swana le Jesu.”

Go swana le Jesu, go no swana le Jesu,  
Lefaseng ke hlologela . . .

<sup>150</sup> A o ka se dire tsela ya gago fa? Go reng ka lena badumedi? Go tla ba le kamora e bulegile fa bakeng sa lena, feela mo motsotsong.

Gohle go kgabola leeto la bophelo . . .

<sup>151</sup> O boletše eng? “Go be go se bjalo go tloga mathomong.” Ge o nyaka go swana le Yena!

. . . go Letago  
ke kgopela feela go swana le Yena.

<sup>152</sup> A re rape leng gape. Etlal godimo, kgaetšedi, ge o etla aletareng mo. Go lokile.

<sup>153</sup> Morena Modimo, a nke go ngwalwe, gomme a nke go dirwe, Morena. Go ngwadilwe, kafao bjale a nke go dirwe. Nka se be le molato ka Letšatši la Kahlolo, bakeng sa go ema ka morago ga thutotumelo tsoko ya kereke; eupša go rera Ebangedi ya go tlala, ka Maatla a tsogo ya Moya wo Mokgethwa.

<sup>154</sup> Bjale, Morena, a O tla hlompha Mantšu a, gomme a O tla romela Moya wo Mokgethwa godimo ga ba, bošegong bjo, Morena? Gomme fodiša balwetši le batlaiswa ka magareng ga rena, gore batho ba ke ba tsebe gore Modimo yo a ngwadilego Beibele o sa le mo, gomme Yena ga a fetoge, le ge motho a leka go fetola Lentšu. Eupša Yena ke Modimo mosefetoge, yoo a rilego, “Go be go se bjalo go tloga mathomong.” Gomme ge re bona se lekala la pele le bilego, ka go Morara, re ka kgona ka therešo go dira Puku ya Ditiro mohlala wa rena bjalo ka kereke.

<sup>155</sup> Efa, Morena, bošegong bjo, gore motho yo mongwe le yo mongwe mo yo a sego a latela Morena Jesu, gomme Jesu a tiišetša gore O be a na le bona, ka maswao le matete a thuto ya Testamente ye Mpsha ya Puku ya Ditiro yeo lekala la mathomo le e tšweleditšego, a nke ba wele ka go kokobela maotong a Gagwe gomme ba ye pele, Morena, le go Mo hwetša boka A bile kua mathomong. Ka gore ga re kgone go Mo hwetša magareng ga dithutotumelo tša rena le dikerekemaina, le magareng ga tša rena tše nnyane, dithuto tša go fokola tša letšatši le. Re swanetše go tla morago go Modimo le Beibele.

<sup>156</sup> Bao ba lego mo matolong a bona, ba ba nyakago Moya wo Mokgethwa wa Gago, gomme ba dumela gore O tla tla go bona, ga se ba bea sebopego se se itšego, tsela ye e itšego. Ba no nyaka Moya wo Mokgethwa go tla godimo ga bona. Efa, Modimo, gore dipelo tša bona di ke di bulwe ka nako ye, gomme Maatla a Modimo yo a phelago a wele ka dipelong tša bona, le go ba tlatša, le go lebalela dibe tša bona, le go ba tlatša ka Moya wo Mokgethwa. Efa dilo tše, Tate.

<sup>157</sup> Bjale ka dihlogo tša rena di inamišitšwe, feela kgafetšakgafetša motsotso wo mongwe, Ke a dumela Modimo o ya go sepela ka tsela ye kgolo gagolo, feela mo metsotsong e se mekae.

<sup>158</sup> Ge go ka ba ba bangwe mo, bošegong bjo, ba e lego basetsebje, go tšwa toropongkgolo, ba ba sa kgonego go tla morago go tirelo ye nngwe, gomme o ka go seemo sa tšhoganetšo. Ge ba ba sa le aletareng, ba nyaka, ba letile Modimo; yeo, re ya go ba lokiša le bona, mo metsotsong e se mekae. Eupša ge ba le mo ka seemong sa tšhoganetšo, gomme ba sa kgone go leta go fihla... bakeng sa tirelo ye nngwe, ba nyaka go rapelelwa, a o ka phagamiša diatla tša gago, yo mongwe yoo a swanetšego go tloga. Tee, pedi. Go lokile. Tee, pedi, yooa lego ka fa bjale, tharo, yoo a lego ka fa, yoo ka se letego boteletšana bjo itšego, gore ba... no swanela go ya. Nne. Ke bona yo motee ka morago. Go ne batho ba bane. Tlhano. Yo motee thwi mo. Go lokile, go ne ba bahlano ka fa, bošegong bjo, bao ba sa kgonego go leta boteletšana bjo itšego. Ke a makala, ge o ka kgona, gomme wa kgona go ema ka maoto a gago; ge o sa kgone, o ka no kukwa. Gomme ge re sa swere batho ba mo aletareng, ke nyaka go, lena go ya godimo ka kamoreng ye ya thapelo, godimo go lehlakore la seatla sa ka se setona fa, batho ba bahlano ba.

<sup>159</sup> Ge re sa kgopela gore badiredi ba se, ba ba lego ka moagong wo, bošegong bjo, ba ba dumelago gore Molaetša wo ke o rerilego, gore dithutotumelo tše le—le dithuto tša madirwakemotho, lehono, ga se tša Modimo, eupša ke tša motho; le gore ka kgonthe re swanetše go ya morago go tsela ya Beibele, go ya morago mathomong. Ke nyaka ba bangwe ba badiredi bao go sepelela pele le go ema mo le nna, ge re bea diatla le go rapelela batho ba fa, go batho ba ba nyakago bakeng sa ditšhegofatšo tše kgolo tša Modimo bophelong bja bona. Ba bangwe ba lena badiredi, ge le rata, bao le dumelago Le go ba Therešo ye bohlokwa ya Modimo. Le se tle ka tsela ye nngwe bjale. Le a bona? E ba monna yo a Le dumelago go ba Therešo ya go felela.

<sup>160</sup> Gomme bao bjale, ba bahlano bao ba swerego diatla tša bona, go ya go dikologa ka lehlakoreng le lengwe le, ge le ka kgona. Goba, etla go dikologa ka morago ga sefala, ge o sa kgone go tsena ka kua, gomme re tla bona se se diregago metsotsong e se mekae. Eya thwi go kgabola ka tsela ye, ngwanešu; ge bana ba ka no sepelela morago kua.

<sup>161</sup> Gomme bjale a nke bao ba tlago bjale, ba tle go kgabola bakeng sa thapelo, ba dumelele go kgabola, feela ge o ka kgona, thwi go kgabola mo.

...leswiswi  
 Le tla retologela go letšatši la go kganya kudu.  
 Gona a nke bohole re tšeē tlhohleletšo,  
 Ka gore ga ra tlogelwa re nnoši;  
 Sekepe sa bophelo ka pela se a tla  
 Go kgobelela Mabjebohllokwa gae.  
 Gona hlalala, ngwanešu wa ka, hlalala, (Oo,  
 hlalala!)  
 Meleko ya rena e tla fela go se go ye kae,  
 Baratwa ba rena re tla kopana, re tla kopana,  
 Godimo ga lebopo la gauta.  
 Re baeti gomme re basetsebane mo,  
 Re nyaka Toropokgolo ye e tlago,  
 Sekepe sa bophelo ka pela se a tla,  
 Go kgobelela Mabjebohllokwa Gae.  
 Sekepe sa bophelo ka pela se a tla,  
 Ka mahlo a tumelo ke a se bona  
 Ge a swiela go kgabola meetse  
 Go le hlakodiša le nna,  
 Le go re goroša boemakepe re bolokegile  
 Le bagwera re ba ratago kudu.  
 "Ebang komana," go goeletša Mokapotene;  
 Oo, lebelelang, o nyakile go ba fa.

<sup>162</sup> Šetšang dipomo tša athomo, le ka kgona go bolela o hleng ka mo.

...oo, hlalala,  
 Meleko ya rena e tla fela go se go ye kae,  
 Baratwa ba rena re tla kopana, re tla kopana,  
 Godimo ga lebopo la gauta.  
 Re baeti gomme re basetsebane mo,  
 Re nyaka Toropokgolo ye e tlago,  
 Sekepe sa bophelo ka pela se a tla,  
 Go kgobelela Mabjebohllokwa Gae.

<sup>163</sup> Bjale, bagwera, badiredi ba ba tla kgobokana godimo go dikologa bjale, kgauswi go dikologa fa. Ke ya ka gare bakeng sa ditaba tše tša tšhoganetšo bao ba ka se kgonego go bowa morago. Gomme lebaka le re dirago se, go swana le ge re le bošegong bjo, a go ne tirelo ya kolobetšo e tlago feela mo metsotsong e se mekae. Gomme tirelo ya go latela ya kolobetšo e tla ba Lamorena mosong, morago ga sekolo sa Lamorena. Seo se tla re tlogelela Mokibelo bošego, Labohlano bošego, le Mokibelo bošego, le Lamorena bošego, bakeng sa mothalo wa phodišo.

<sup>164</sup> Re nyaka go bea phološo ya Modimo pele. Le a bona? Phodišo e tla direga. Ga re fšege ka seo. Gomme kafao go tla direga.

Bošegong bja go feta, Modimo o phološitše disoulo tše seswai tše bohlokwa fa mo aletareng. Oo, ke be ke thabile bjang go bona seo! Gomme ga ke tsebe gore ba ke bomang tikologong mo. Ba bangwe ba bona ba ka no ba badiradibe, ba biletša ntle. Ba bangwe ba bona ba ka no be ba nyaka Moya wo Mokgethwa.

<sup>165</sup> Eupša bjale ke ya ka gare. Gomme mosadi wa ka morago kua, hani, go na le bobedi banna le basadi ka kua. Ke no ya ka gare go bona se se tla diregago. Ke a tshepa gore bodiredi bjo boswa bo tla direlwa ka kua. Modimo o a tseba ke boletše Lentšu feela therešo bjalo ka ge ke e tseba, ka Beibeleng. Yeo ke nnete. Gomme ke ya morago go bona se Modimo a tla se dirago.

<sup>166</sup> Bjale, gosasa bošego, Morena ge a rata re ka se be le tirelo ya kolobetšo, ntle le ge e le tšhoganetšo, yo mongwe a nyaka go kolobetšwa. Eupša ka pelapela, ka go metsotsotso ye lesome goba lesometlhano ya go latela, tirelo ya kolobetšo e tla be e direga.

<sup>167</sup> Gomme gona, gosasa bošego, go tla ba le...Ke nyaka go kgopela wa ka kgae-...ngwetši ya ka ka fa, (Mogadibo? Huh!), ngwetši ya ka, ge a hweditše dikarata tša thapelo, lehono. Loyce, a o di hweditše? Ga se nke wa di hwetsa. Gabotse, re tla ngwala tše dingwe. Re tla hwetsa tše dingwe, ka tsela ye nngwe. Gomme re tla hwetsa, go fa dikarata tša thapelo ntle, gosasa bošego, Morena ge a rata, le go thoma methalo ya rena ya thapelo go tleng go dikologa, mothalo wa thapelo wa mehleng, ge se sengwe se sa direge mo metsotsong e se mekae, ka kamoreng. Gomme ka gona re tla bona. Gosasa bošego, Morena ge a rata, re tla fa ntle dikarata tša thapelo, pele, gosasa bošego, e ka ba ka iri ya boselela, ke a thanka, goba se sengwe boka seo, tshela goba seripagare sa boselela, se sengwe, gosasa bošego, gore batho ba kgone go hwetsa karata ya thapelo le go tsena ka mothalong.

<sup>168</sup> Bjale, gonabjale, ke nyaka motho yo mongwe le yo mongwe yoo a kgonago, go ba gagolo ka thapelong. Ke nyaka lena badiredi go ya tikologong ya batho ba. Eupša, Ngwanešu Neville fa mo sefaleng. Gomme ke ya ka gare go rapelela balwetši. Morena a le šegofatše.

<sup>169</sup> Gomme lena baena bjale eyang thwi go dikologa moo batho ba ba lego bjale. Sepelelang godimo, beang diatla godimo ga bona, gomme a nke re be le thapelo, ge le etla go dikologa. Yo mongwe le yo mongwe wa bona o dula thwi le bona bjale, ge le eya thwi go dikologa. Phuthego yohle ye e tsebago mokgwa wa go rapela, inamišang dihlogo tša lena morago kua, le go ba ka kgonthe thapelong go Modimo, gore Moya wo Mokgethwa o tla wela godimo ga ba le go ba tlatša ka Moya wo Mokgethwa; gomme o tla dira mehlolo ka kamoreng ye, go fodiša balwetši le batlaišwa.



*EUPŠA GO TLOGA MATHOMONG GO BE GO SE BJALO* NST58-1002  
(But From The Beginning It Was Not So)

Molaetša wo ka Ngwanešu William Marrion Branham, setlogong o abilwe ka Seisimane ka Labone mantšiboa, Oktobere 2, 1958, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)